

# **Digitales Brandenburg**

hosted by Universitätsbibliothek Potsdam

**Christiani Thomasii, Jcti, Regiæ Majest. Borussiæ  
Consiliarii, in Univers. Fridericiana P.P. dictæque Univ. &  
Facult. ibidem Juridicæ Senioris, Introductio In  
Philosophiam Moralem, Sive De Arte ...**

**Thomasius, Christian**

**Halae Magdeburgicae, 1706**

Dedicatio

**urn:nbn:de:kobv:517-vlib-5456**

SERENISSIMO  
PRINCIPI AC DOMINO,  
DOMINO

JOHANNI  
GEORGIO

PRINCIPI ANHALTINO,  
DUCI SAXONIÆ, ANGRIÆ ET  
WESTPHALIÆ,

COMITI ASCANIÆ,  
DOMINO SERVESTÆ ET  
BERNBURGI,

MARCHIÆ ELECTORALIS  
BRANDENBURGICÆ

SUMMO LOCUMTENENTI  
ET

ARCHI-CAMPIMARESCHALLO

PRINCIPI AC DOMINO  
MEO CLEMENTISSIMO.



SERENISSIME PRINCEPS,

DOMINE CLEMENTISSIME.



*Et si hominum animi distinctis-  
simis & fere infinitis modis  
mundum obiter contemplanti  
mixti videantur, negari ta-  
men non potest, plures non da-  
ri nisi quatuor Passiones dominantes sive Affe-  
ctus primarios, e quorum permixtione varia-  
tes reliquorum Affectuum omnium, sive bono-  
rum sive malorum oriuntur, omniaque homi-  
num ingenia, eorumque inde derivata cogi-  
tatio-*

## DEDICATIO.

tationes dijudicari possunt. Quorum primus est is, qui ad summam felicitatem ducit, Amor nempe rationalis aliorum hominum. Reliqui tres sunt Amor Voluptatis, Amor vana gloria, & Amor pecunia. Hi tres affectus per se amori irrationali annumerantur, hominemque sub specie vera beatitudinis, à tranquillitate animi in perpetuam inquietudinem abducunt, etsi hi vel longius vel propius ab amore rationali distent. Ac Amor quidem Voluptatis omnium proxime ad amorem rationalem accedit, eo quod plerumque saltem cum candore & commiseratione conjunctus esse solet, & ut verum fateamur, non tam alius quam sibi ipsi incommodat. Amor vana gloria paullo longius ab amore rationali remotus est, ibi enim plus reperitur Invidia, Immisericordia, Simulationis & Fallacia, nam ambitiosi, ut ambitionem suam expleant, nemini parcunt. Est tamen ejusmodi hominum adhuc aliquis in humana societate usus, cum plerumque subtili præditi sint ingenio, & quamdiu ab his, qui ipsis superiores sunt, promotionem expectant, obedientiam ac officia talia illis exhibeant, quæ alias ab amantibus præstari solent, denique erga hos, qui eos venerantur, quamdiu hoc faciunt, bene-

## DEDICATIO.

ficos sese præbeant. Sed Amor pecunia nimis est irrationalis. Hic enim non tantum vitia ista omnia, quæ cum Ambitione conjuncta sunt, deprehenduntur, sed avari etiam nulli homini parcunt, quin agre ipsi faciant, dummodo unicum thalerum inde lucrari possint, cum ambitiosi hoc pro animi abjecti signo interpretaturi essent. Quin avarus ad bonam rem nullam utiliter adhiberi potest, quandoquidem nulli homini unquam benefacit; Unde nonnemo avarum cum porco comparavit, ex quo nullus, nisi cum mactatus & occisus esset, usus expectari posset. Quomodo enim avarus aliis benefaceret, qui ipse loculo ære repleto insidens fame extinguitur? Imo nihil rationale avaritiæ inesse vel inde evidenter apparet, quod cum alias pares mutuo se amare soleant, item inter duos voluptuosos ac ambitiosos, si non verus, certe amor fictus atque irrationalis deprehendatur, duo tamen avari, non solum mutuo se non ament, sed & exquisitissimo odio prosequantur. Hæ vero observationes non in sana tantum ratione fundatae sunt, sed & divina Revelatio cum his manifeste concordat. Summa beatitudo consistit in Amore DEI & Proximi. Et quantumvis amor rationalis non aequè sit perfectus

DEDICATIO.

fectus ac Charitas christiana, amor tamen  
 rationalis quidam quasi gradus est ad Charita-  
 tatem Christianam perveniendi, & quemad-  
 modum impossibile est, ut is DEUM amet, qui  
 ne fratrem quidem amat; ita impossibile est,  
 ut is Christiano amore alios prosequatur, qui  
 ne rationaliter quidem eos amat. Rursus  
 Voluptas, Ambitio & Avaritia sub appella-  
 tione concupiscentie carnis, superbia vite, &  
 concupiscentie oculorum sepius in Scriptura  
 sacra tanquam vitia primaria representantur.  
 Et sicut exempla in promptu sunt, quod ho-  
 mines bene poti Philosophorum auditoria in-  
 traverint, ut eos irriderent, ab iisdem au-  
 tem prudenter de temperantia docentibus a  
 voluptate abstracti & ad sapientiam traducti  
 fuerint; ita voluptuosi quamplurimi ad Chri-  
 stum sese converterunt & primi omnium ad  
 baptismum Johannis venerunt. Superbi illi  
 Pharisei erant postremi, eorumque paucissimi  
 in Christum crediderunt, adeo ut ipse scor-  
 tatoribus & adulteris regni DEI aditum mi-  
 nus difficilem esse pronunciarit quam ambi-  
 tiosis Phariseis. Denique Avaritia radix  
 omnium malorum dicitur, ac diserte affir-  
 matur, facilius esse, ut Camelus per foramen  
 acus transeat, quam ut dives, scilicet qui cor-

## DEDICATIO.

*de divitiis adhaereat, regnum DEI intret. Et alibi sub simili ab oculo petito dicitur: Si oculus fuerit nequam, totum corpus tenebrosum esse, id quod non inepte ad Avaritiam applicatur, quoniam ea, uti dictum, per concupiscentiam oculorum significatur. Quam rara autem exempla reperiuntur hominum amorem rationalem in summo gradu possidentium? sed plerumque apud virtuosos multae debilitates à Voluptate, Ambitione ac Avaritia prognatae intercedunt; ita non possumus affirmare, ex tribus vitiis primariis, etsi ea saepius in sublimiori gradu reperiantur quam amor rationalis, singula seorsim existere, sed ea aequè cum reliquis affectibus primariis permixta sunt, ita tamen, ut semper una ex tribus hisce, quibus est permixta, reliquis superior sit, & in hac consideratione Passio dominans appellari soleat. Atque id quidem è quatuor Temperamentis secundum Philosophiam naturalem affabre conspicitur. Quicumque justum phlegma possidet, is homo est summe rationalis, eumque necesse est summe beatitudinis & amoris rationalis esse capax. Ad hoc temperamentum Sanguineus quam proxime accedit, cujus affectus primarius Voluptas est. Cholericus longius hoc a phleg-*

phleg  
 pra r  
 ci ut  
 ab A  
 est d  
 & u  
 buju  
 Deco  
 ctus  
 men  
 vere  
 vera  
 pene  
 mag  
 ject  
 jucu  
 Cbol  
 lanc  
 Uti  
 dan  
 bicu  
 ra d  
 qui  
 ti s  
 tuor  
 tur  
 qui

phleg-

## DEDICATIO.

phlegmate remotus est, & apud eum ambitio  
præ reliquis affectibus eminent. Melancholi-  
ci ut præ aliis sunt portentosi, ita fortissime  
ab Avaritia corripuntur. Imo facillimum  
est divisionem boni in honestum, jucundum  
& utile, si ad ductum eorum, quæ Cap. I.  
hujus Philosophiæ meæ moralis monui, bonum  
Decorum addatur, secundum quatuor affe-  
ctus primarios & dicta quatuor Tempera-  
menta dividere. Phlegmaticus homo est  
vere honestus, ac in omnibus actionibus suis  
veram gloriam querit virtute partam, et si  
penes multitudinem hujus mundi non adeo  
magna ejus sit existimatio, imo plane sit ab-  
jectus atque contemptus. Sanguineus boni  
jucundi maximam habet existimationem,  
Cholericus decoro maxime occupatur. Me-  
lancholicus denique ad bonum utile aspirat.  
Uti autem in arte pictoria quinque tantum  
dantur colores principales, albus, flavus, ru-  
bicundus, ceruleus & niger, è quorum mixtu-  
ra deinceps reliqui colores omnes generantur,  
qui ob infinitos mixtionis gradus æque infini-  
ti sunt; ita è diversis gradibus mixtionis qua-  
tuor affectuum primariorum innumera oriun-  
tur temperamenta, quæ necesse est ut homo,  
qui mundum exacte cognoscere, & Politicam



## DEDICATIO.

suam recte intelligere cupit, comprehendat, si  
hominum ingenia recte scrutari, hominumque  
capacitatem cognitam perspectamq; habere de-  
siderat. Modo enim hominem invenies, qui mul-  
tum possidet voluptatis, cum ambitione pro di-  
versitate individuorum vel in inferiori, vel in  
superiori gradu permista. Modo Ambitosum  
reperies, in quo notabilis quedam mixtura vel  
voluptatis, vel avaritia deprehenditur. Omni-  
um autem absurdissime Avaritia cum Voluptate  
miscetur, & quando hi affectus, (quod rarissime  
tamen contingit) in sublimiori gradu juncti in-  
veniuntur, tum ex hac mixtura tam ridiculum  
emergit temperamentum, ut, si affectus secun-  
darios ex hac mixtura genitos, & qui alii quam  
contrarii esse non possunt, contempleris, exhor-  
rescas. Unde & Satyrici & Comici ridiculos ac  
histrionicos ludos representaturi, plerumque se-  
nem amore captum in scenam producunt, quia  
senectus communiter avaritia laborat, ac se-  
num amor voluptuosus magis quam rationalis  
est. Hinc Comœdia scriptoris Galli, de Moliere,  
de Avaris conficta præ reliquis est ridicula. Et si,  
mea quidem sententia, stultitia ex hac mixtura  
emergens longe majori cum evidentia sub perso-  
na adolescentis voluptuosi depingi potuisset.  
Amor autem rationalis mixtus plerumq; est vel

cum

## DEDICATIO.

at, si  
 inque  
 e de-  
 mul-  
 o di-  
 el in  
 osum  
 ca vel  
 mni-  
 ptate  
 ssime  
 ti in-  
 ulum  
 ecur-  
 quam  
 xhor-  
 los ac  
 ue se-  
 , quia  
 ac se-  
 malis  
 liere,  
 . Et si,  
 xtura  
 per so-  
 uisset.  
 st vel  
 cum

cum amore terrena voluptatis, vel cum ambitio-  
 ne, cum avaritia autem ipsi nihil est commercii,  
 eo quod ipsa ab amore rationali adhuc longius  
 voluptate distet, et si interdum pecuniam pa-  
 rumper amet. Atque inde in hac imperfectio-  
 ne, ubi non omnia ad perfectionem reduci pos-  
 sunt, is omnino honestus vir dicendus est, qui do-  
 minari affectibus suis quam maxime didicit,  
 qui hilare & ambiciosum temperamentum in æ-  
 quali gradu possidet. Tales enim homines &  
 gravibus negotiis & jocos præ aliis idonei habentur.  
 Nam Ambitione fere retinentur, ne irra-  
 tionaliter in voluptates prolabantur, & coram  
 multitudine sese prostituunt. Contra e tempe-  
 ramento voluptatis derivata sinceritas ac mi-  
 sericordia eos abstrahit, ne ambitioni penitus  
 immergantur, sed earum beneficio φιλοτιμίας  
 suam repriment, ne ea in aliorum damnum,  
 sed in eorum potius commodum vergat. Imo  
 quotidiana testatur experientia, ejusmodi ho-  
 mines, quando jam adolescentiæ debilitates ac  
 vanitates superaverunt, vel in ætate virili, vel  
 in extrema senectute justum sibi phlegma com-  
 parare, ac amorem rationalem præ aliis conse-  
 qui. E gentilibus Alcibiades hujusmodi tem-  
 peramento præditus fuisse videtur, ac parum er-  
 rabo, si dixerò, Salomonem Regum sapientissi-  
 mum

## DEDICATIO.

*mum similem huic corporis mixturam habuisse, de qua fere omnes vitæ ejus circumstantia in sacris literis consignata testimonium perhibere possunt, quippe quæ omnes eo tendunt, ut ex ipsis nil præter Honorem & Amorem aliquis colligere queat. Denique hujusmodi ingenia quam maxime idonea sunt, quæ de vera Philosophia, morali, deque amore rationali judicium ferant, cum ex adverso homines mere voluptuosi veritatem quidem præceptorum de amore rationali facile comprehendant, sed nisi ambitione temperati sint, eorum praxis ipsis videtur fere impossibilis. Ambitiosis contra paullo plures in cognoscendo amore rationali scrupuli objiciuntur, maximisque premuntur difficultatibus in formanda justa Idea de virtute. Avaris denique, uti prudentibus videntur maxime irracionales; quæcunque de virtute ac amore rationali dicuntur, ridicula apparent; Imo non possunt hoc sibi vendicare, ut affirmant, se minimum saltem ejus gradum, ut secundum virtutem vitam instituant, assuescendo posse attingere.*

*Jam cum juxta consuetudinem Scriptorum constituerim Philosophiam hanc meam moralem censura honesti cujusdam viri per Dedicacionem subjicere; neque temere neque imprudenter me facturum existimavi, si coram TE,*

SE-

SE  
in sa  
qua  
nus  
Pri  
tuli  
CT  
ten  
gra  
par  
NI  
qua  
inst  
que  
bon  
trit  
me  
via  
dos  
fici  
cog  
asse  
tua  
teg  
ma  
dig  
TE

## DEDICATIO.

*SERENISSIME PRINCEPS, eandem  
in summissa obœdientia deponerem. Præter-  
quam enim quod in me immerentem hæcte-  
nus summa ac pene innumera, quæ tantum  
Principem decent, beneficia, cumulatissime con-  
tulisti, SERENISSIMIQUE ELE-  
CTORIS BRANDENBURGICI po-  
tentissimam tutelam contra persecutores meos  
gravissima commendatione Tua mihi com-  
parasti: rarissima illa virtutes, SERE-  
NISSIME PRINCEPS, quas tan-  
quam pretiosissimum peculium possides, hoc  
institutum mihi quasi demandarunt. Ita nam-  
que ea comparata sunt, ut encomia a privato  
homine, in quorum numerum me quoque refero,  
tributa longe transcendant, ac si tempera-  
mentum meum spectem, omnium ineptissimus  
videbor, ad Panegyricos ulli dicendos scriben-  
dosve: Quisque tamen, cui hoc contigit bene-  
ficium, VESTRAM SERENITATEM  
cognoscendi, vel saltem videndi, me ab omni  
assentationis vitio absolvet, si dixerò: vitam  
tuam SERENISSIME PRINCEPS, in-  
tegre ex honore & amore esse compositam. Hu-  
manitas illa, qua quemlibet, quem alloquio TUO  
dignaris, excipis, omnium ad se corda allicit, ut  
TE non possint non amare; ea vero, quæ ex oculis*

TUIS

DEDICATIO.

*TUIS elucescit gravis animositas, amorem  
hunc cum summissa quadam veneratione,  
cumque officiositate confidentia plena tempe-  
rat.*

*Accipe jam, SERENISSIME PRIN-  
CEPS, clementer publicam banc summissi a-  
moris erga TE mei atque existimationis testi-  
ficationem, summaeque gratiae ac benignitatis  
TUAE fructum mihi porro concede, id quo hu-  
millimo obsequio exoratum volo, qui ad extre-  
mum usque vitae halitum manebo*

VESTRÆ SERENITATIS

Halæ d. 16. Aprilis  
1692.

*humillimus & obsequiosissimus*

CHRISTIANUS THOMASIUS.

PRÆ.